

文淵閣

影印

四庫全書

影印

文淵閣四庫全書

第五三九冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

山東通志(一)

清

杜岳

潛等監修
詔等編纂

.....

一

欽定四庫全書

史部
山東通志
目錄

詳校官監察御史臣劉湄

檢討臣德生覆勘

總校官知縣臣繆琪

校對官編修臣莊通敏

謄錄監生臣徐芑

山東通志序

虞書禹貢志之所由昉也山澤方物壤賦川塗約
舉數言體要已具逮夫周禮踵事加詳保章氏視
分星職方氏辨邦國地形掌之司險戶口紀之司
民大司徒以天下土地之圖周知地域廣輪之數
辨其山林川澤邱陵墳衍原隰之名物而四方之
志則外史有專屬焉後世圖經志記仿此而撰大
者志九服小者志一方雖詳略不同而多識博聞
有裨政治其義一也昔者列國有史自孔子修春
秋而筆削褒譏義繫天子遂不得復以魯名自後
齊記齊乘諸書各行所言僅備此邦之掌故山東
之有通志自前明嘉靖朝始帙簡義略粗有規模
我

國朝正域四方德洽寰宇康熙甲寅

詔修大清一統志而山東通志緣是再輯擴前志什之三

四亦既秩然可觀矣哉

欽定四庫全書

山東通志

世宗憲皇帝御極之七年復

詔增修一統志及各省通志臣承乏二東實纂斯舉爰訪

延名宿次第採釐會東省郡邑屢有分置疆域既

易條類亦更改訂再三至雍正乙卯九月方得付

梓恭遇我

皇上紹登大寶布愷綏猷表正萬邦修和百度東省地

聯

畿輔被化獨先前此黃河清於單曹慶雲燦於尼泗

欽定四庫全書

山東通志

二

蒼麟誕育一見於鉅野再見於寧陽

世德燕貽風徵

嘉應而悉於是編志之猗歟盛哉此千載一時之會

也全志三十六卷有沿有創有訂有增縷晰條分

期於克臻醇備而臣於此竊有思焉通志體例自

星野至雜記可以觀天文察地理飭人官啟物曲

致之各省大略相符而較以山東尤稱特異觀夫

巡方之曲首重岱宗崇聖之儀獨隆

闕里黃河如帶藉保障於金隄青社維垣靖烟氛於

玉海漕運扼襟喉之要兵防控水陸之衝政禮所

關至殷至鉅今則遠稽曩制旁撫遺規敬揚

謨烈之庠式表顯承之美普

聲教於東漸廣率俾於海隅以之昭示來茲永無

極直與虞書周禮輝映後先豈他志之所得而頡

頽者哉臣不揣弁陋謹拜手而為之序

書

欽定四庫全書

山東通志

三

乾隆元年歲次丙辰三月中浣

巡撫山東等處地方督理營田兼理軍務都察院

右都御史臣岳潯謹題

山東通志

表

巡撫山東等處地方總督管田兼理軍務都察院副都御史張之洞等謹

題為欽奉

上諭纂修省志成稿謹奉

表上

進者^臣等誠惶誠恐稽首頓首

上言伏以

欽定四庫全書

山東通志

帝宇慶同風十二山河先北共

皇輿徵訖教三千禮樂首東漸

出震秉圖青令應車書之盛

乘乾錫極赤虹垂簡冊之光勤採輯於禹跡堯封萃

識方之世掌廣蒐羅於東山泗水彙太史之新陳

敬次函封恭呈

宸鑒竊惟畫州區井蟠木已隸於軒圖敷土開疆蒲姑

不遺於禹鼎奎芒適占分野象啓文明日馭先出

提封光同臨照岱推五嶽之長中峙而號天孫海

為百谷之王左衛而環地軸金泥玉檢刻石必推

乎七十二家昨土苴茅賜履獨隆於千八百國是

以漢置十三州以後濟別陰陽唐分十五道以還

河稱南北莫不兼黑墳之勝地稱赤縣之雄都若

夫記載相承簡編漸益六經傳注已有明徵諸子

藝文皆堪節取晏謨所撰曾專鹽鐵之卿李拙所

陳亦屬環鉤之俗阮叙之南充作紀張建章渤海

欽定四庫全書

山東通志

有書或積久遺亡豈必文存魯壁或馳情荒誕未

免語類齊東故知稽古必慎傳疑信今乃克垂後

恭遇我

皇上

世德作求

孝思維則

垂衣裳而致治

道統三才

位天地以成能

功調四序

闡圖書則載籍極博文運昭黃玉之功

一寰宇則聲教覃敷嘉氣應碧霞之上斟尋故址麟

遊告瑞已先時季則名區

鳳詔頒恩尤近

日欽惟

世宗憲皇帝

欽定四庫全書

山東通志

三

大文光被

至道誕登

焜耀四遐既觀天而復察地

經營八寓以作聖而開述明爰

簡禁近諸臣纂修鉅典遂

勅封疆大吏各輯志書於是前撫臣岳濬初任全編計七

載以裏事繼因分郡易四稿而成函敬弁

王言與雲彩日華而並麗更詳

聖緒本金聲玉振以相宣昊蹟農都治既隆於皇古堯

祠舜井事且核於中天載溯典章則有虞韶周禮

復詳篇什實兼魯頌齊風豈惟不使靈光亦虛抑

且常表明堂有位益五帝咸備其迹而千聖獨集

其成此固文獻之源而人物之藪也然則盡其類

必須鄭僑博物括其全尤貴齊泮知今玉粒歲輸

則八百里必經之漕渠啟閉皆垂善術漆絲時異

則十三載乃同之貢賦因革已立良模學校久興

欽定四庫全書

山東通志

四

匪僅擊穀成帷之舊農桑屢勸不聞帶牛佩犢之

風至於仙源之棖梢維新制已增於前古聊邪之

壁壘初建鎮復重於當年職官視昔而有加佩魚

符以分治畛域較前而更析錯犬牙以異形用是

卷帙寧繁引其不發詞華彌富補所未曾必使視

舊策而益詳瞭如指掌集衆思以備美燦若列眉

然後足以審立政之經而定宜民之要臣夙慚桐

馬復愧篠簜亦思任昉校讐難學張華該洽雖景

春秋之筆豈同東國之書恐傳已亥之詞或類西

河之簡精勤庀事固撫採有人早夜鳩工期雕錫

無誤尚俟酉陽之訪仰祈

乙覽之勤伏願

義畫益新

堯文丕煥

衡持金鑑彙

皇圖於一統之隆

欽定四庫全書

山東通志
表

筆協丹書加

膺藻於

萬幾之暇蒲輪徵求夙學不上封禪之章璽書寵報循

良遠勝神仙之使將見成全璧以昭典則自東方

為寄推之南方為象西方為觀北方為譯而執玉

帛者萬重慶完車以大訓行由太平之仁合乎丹

穴之智太蒙之信空同之武而仰星雲於億世矣

臣等無任瞻

天仰

聖激切屏營之至謹奉

表隨

進以

聞

欽定四庫全書

山東通志
表

六

山東通志職名

總裁

巡撫山東等處地方督理營田兼理軍務都察院右副都御史臣岳濬

巡撫山東等處地方督理營田兼理軍務都察院右副都御史臣法敏

提調

山東等處承宣布政使司布政使臣孫國璽

署理山東等處承宣布政使司布政使登萊青道按察司副使臣孫蘭芬

山東等處承宣布政使司布政使臣鄭禪寶

欽定四庫全書

山東通志
職名

監理

山東等處提刑按察使司按察使臣唐綏祖

山東等處提刑按察使司按察使臣吳騫

山東等處提刑按察使司按察使臣黃叔琳

總理通省糧儲道布政司叅議臣廣壽

分守濟東泰武等處兼理通省驛傳道布政司叅議臣張體仁

分巡登萊青道按察司副使臣劉柏

分巡登萊青道按察司副使臣董自超

分巡登萊青道按察司副使臣包括

分巡兗沂曹道按察司副使臣萬國宣

分巡兗沂曹道按察司副使臣李梅賓

總理山東通省河道按察司副使臣王鴻勳

總理山東全省兼河南濟南等處都轉運鹽使司運使兼鹽法道臣楊弘俊

協理

濟南府知府臣楊在魁

濟南府知府臣程開業

欽定四庫全書

山東通志
職名

兗州府知府臣沈斯厚

東昌府知府臣盧焯

東昌府知府臣汪會正

東昌府知府臣程世綏

東昌府知府臣徐立御

署青州府知府臣羅儀

青州府知府臣童藩

登州府知府臣于斐

欽定四庫全書

山東通志
職名

采輯

登州府知府臣陳留武

萊州府知府臣劉鶴齡

萊州府知府臣范燦

萊州府知府臣嚴有禧

武定府知府臣張文炳

沂州府知府臣葉粵

泰安府知府臣梅枚

曹州府知府臣吳謙銘

原任翰林院檢討臣杜詔

原任翰林院檢討臣蔣繼軾

原任濟陽縣知縣臣郎作霖

候選知縣臣任弘業

蒙陰縣知縣臣張之浚

荷澤縣知縣臣井其洵

東阿縣知縣臣金鴻

榮成縣知縣臣羅克昌

樂安縣知縣臣高弘緝

江南揚州府如皋縣學歲貢生臣顧瀛

分校

江南己酉科舉人臣潘永季

浙江己酉科舉人臣王文郁

江南泰州拔貢試用知縣臣吳紳

江南巢縣拔貢試用知縣臣黃雲

浙江紹興府山陰縣儒學廩膳生員臣丁大阜

浙江紹興府山陰縣儒士臣王益寬

濟南府學拔貢生臣劉五寬

武定府霑化縣儒學廩膳生員臣吳繼震

督梓

山東都轉運鹽使司同知濱樂分公司臣繆煥

歷城縣知縣臣王國正

冠縣知縣臣陳統

欽定四庫全書

山東通志
職名

招遠縣知縣劉育杰

陵縣知縣劉瑣

單縣知縣楊士凝

費縣知縣陳漢

試用知縣賈槐

濱州判臣湯廷英

鄒平縣丞臣陳兆揚

泰安縣丞臣張廷瑚

欽定四庫全書

山東通志

繪事

江南常州府武進縣監生臣陳政

兗州府嶧縣典史臣鄭崑璵

山東通志凡例

一曰叙志目 河洛開奇龜龍獻瑞天地之大志存乎其中矣然而戴履肩足必有序焉箕疇之衍亦本於此茲奉

綸綍而輯方輿之要典昭

謨烈而大一統之成規則

王言其首重矣况體國經野以及民依物愛凡志中所

敷陳者無一不經

欽定四庫全書

山東通志

數聖人之裁成輔相而積累涵濡以至今日也首以

典謨是為訓行之始於是仰觀於天俯察於地考之於

古證之於今星野建置一方樞軸所由定也厥土

既辨墉壑是營申畫郊圻以慎封守此城池疆域

之所以繼而作也名山大川在封域之內者有會

朝之勢焉地形天險作屏翰之寄者有固圉之道

焉凡此皆古來聖帝明王與賢人君子過化而存

神者也山川之後繼以形勝圻封之後繼以古蹟

其所繫於治亂興衰者誠不少也我

聖祖仁皇帝勤民遠駕爰止鄒魯之鄉

巡狩本於真書

訪道先於

闕里東方禮樂生民未有固四國之所推崇而域中之所出拔者矣

闕里一志猗歟盛哉夫物盛不可不養故以田賦繼之鹽法則田賦中之利用也有養不可不教故以

欽定四庫全書

山東通志
凡例

學校繼之選舉則學校中之人材也有文事者必有武備故受之以兵防德之流行速於置郵而傳命故受之以驛遞河漕海疆政之大者考其源流詳其制度攬清晏之休風何一非揚扆

王靈之赫濯也哉夫然後崇德報功則稽其秩祀入疆觀政則紀其橋梁從欲以治則正其風俗任土錫貢則登其物產百執事靖共爾位無曠庶官攸躋攸寧庶幾顧名而思義職官公署連類而及之

安其居所以敬其事也況輿人之誦有斐之詩聞

風而起論世有人皆出於好惡之公而輝映後先之轍者代不乏人也宦績而後次以人物并列女

仙釋方伎而天不愛道地不愛寶海岱精華具萃於此矣物必有所歸也陵墓其有遐思乎五行其

遞嬗也灾祥其思修省乎古人不可作也經籍其抱陳迹乎而後以藝文終焉瑣尾緒餘委之雜記

緬懷往昔昭示來茲鼓吹休明詠歌風雅門類各

欽定四庫全書

山東通志
凡例

殊經緯則一凡為卷三十有六附見者八共二百餘萬言此通志之序也

二曰正字體 諱名之典原屬臣子尊君親上之意然必字闕原廟而又奉有令典乃為遵道遵路之治近見各州邑志載凡創修自

本朝者率多不經之避忌如以彛代夷以魯代虜以翟代狄人自為書家自為說各行其意之所是而罔知適從然以彛為夷猶曰同音借用至以魯

為虜則音岐而韻亦異翟迪與狄與姓相混在作者實為有意之步趨而觀者往往多無心之沿誤

帝虎之辨實難以意逆志者也我

皇上洪天地之量揭日月之明大哉

王言頌為

謨訓欽尊

聖祖仁皇帝廟諱上字從元下字從昭又欽定

先師孔子聖諱字則以邱音則從期至我

欽定四庫全書

山東通志
凡例

四

皇上御名惟本字遵避其餘同音減筆概弛其禁而猶

廓

大公之至論明無外之規模以民間避忌夷虜等字指

為大不敬真可以挾千古之屯蒙而祝藝林之一

面書生載筆何幸如之今志內一切從前避忌俱

為改正欽惟

皇上御名上字以印代下字以徵代音韻從同字體畫

一稍存敬慎之意以嚴咫尺之義云爾故表而出

之使覽者自有會心勿致疑於金根之或異也

三曰謹書法 夫志以傳信先貴釋疑蓋必作者無

他岐之見而後觀者有引伸之助故書法必有一

定之例也然例亦自有不同有省文以就例者有

變文以起例者故一志有一志之例不必同於他

志他志亦自有一例不必泥於一志始之

典謨終之藝文無所用例也如建置城池疆域山川形

勝古蹟田賦學校驛遞秩祀橋梁風俗公署列女

欽定四庫全書

山東通志
凡例

五

陵墓等以分府為例者也而分府之中有以府領

縣者必其所志皆同而以府統縣名有所尊也有

以縣並府者必其所志皆異而為府為縣各麗其

實也如選舉宦績人物仙釋方伎五行等以時代

為例者也而亦有仍用分府之例者必其人其事

或顯於此而泯於彼所重在一郡一邑則仍繫之

一郡一邑此所謂省文以就例者也星野圻封

巡狩

關里鹽法兵防河漕海疆職官經籍等則變文以起例者也蓋其節目甚繁其經歷各異有此郡所有而彼郡所無則分府既不可或昔時所無而今日所有則分代亦不可於是撮其綱領別其條目有古可援者則援古以證今無古可援與有古可援而不必援者則就今以言今亦不必泥於古於一志之中各自為例此所謂變文以起例者也要之各就其事各分其體於各志不同之中自有一定之例而書法之詳略異同乃可得而言矣

四曰審詳略 東省通志於今三修其目較舊志為減而實增其數言較舊志為繁而實約蓋舊志有不應詳而詳者如宦績人物并各傳是也有不應略而略者如山川古蹟田賦兵防及漕河等志是也夫三代以上之人物事功見於四書五經者夫人而知之矣天下必無不讀四書五經之人而專讀通志者如止求觀通志而未嘗見四書五經縱

極搜羅彼亦茫然不曉而舊志乃以四書三傳中季文孟獻史魚蘧瑗諸人點綴三代之人物名宦是所謂掛一而漏萬也今孔門弟子另詳關里其志宦績人物皆從漢始凡列國名卿士夫第於經傳中求之志不具載蓋豐功偉烈實繁有徒非如帝跡侯封之可以約略數也載而不備毋寧缺而不載此則舊志之所詳而今從略者也至於山川則有脈絡之可循古蹟則有沿革之可攷田賦則登耗隨乎時盈虛酌乎數積必期其可散施必謀其可久兵防則因事而設險思患而豫防河漕則今昔之創修不同工役之先後有叙凡此皆體國經野之規模雖極纖悉皆成具體此而不志其志維何此而不詳又烏乎用吾詳者且山東為環海要區膠萊舊為運道廢興成敗灼然可觀而海疆一志舊志闕如今特補輯則又不特彼略而此詳且此有而彼無矣他如修城修學修公署修亭臺舊

志有則必書且累累不一而今頗為區別凡城池學校雖曰有司之責而留心者少故踵事增華必予之以表靖共之一節至居室之善遊觀之美彼自為覓簞之計寧躋之謀創則必書修可不載此則詳略之中又自有詳而略焉者非無意於其間也

五曰別異同 詳略之審已定而同異之辨又有違

衆而獨立者如舊志有聖賢而無闕里又以雅樂

欽定四庫全書

山東通志
凡例

另為一志彼固謂闕里自有專志也殊不知東省

之異於他省者正以其為聖人之鄉而我

朝

列聖之崇儒重道又高出於漢晉唐宋元明之上則彙

輯一志似不可少惟以禮樂彙纂其中正不必以

雅樂另為一志也此與舊志似異而實同者也至

於人物一志則舊志實多可議者嘉靖志分六府

為六卷則一國之善士亦同於一鄉其所推之量

不廣然地以人重不過稍存拘墟之見爾至康熙甲寅志則六府人物之外又分隱逸孝義儒林文苑諸名色豈以隱逸為非人物乎又豈以孝義為人

物外另一標榜乎抑人物內竟無孝義者乎至於雕龍繡虎藝苑崢嶸立言之重次於功德儒林文苑何所分別即有本末輕重之見亦不可謂非人物也夫四科之目十哲並崇七十二子之徒身通六藝若非闕里另為一志勢必屈顏閔為隱逸

欽定四庫全書

山東通志
凡例

進游夏於林苑也謂之人物定評幾何不與焉遷

之貨殖游俠同其不倫也哉夫人物之分門別類

例起漢書厥後唐宋操觚之家奉為成式此在國

史則可非通志可效之顰也今上自兩漢以迄於

今以時為先後而叙之使後之尚論者於誦讀之

下自具心胃各出手眼正不必過為區別以滋擬

議也此人物一志其人同其事同而書法之似同

而異者以此

六曰信古而擇 語云擇之不精則說之不詳通志

所取材於古者大約什居六七然而信古之難也

紀載所傳惟六經無可擬議子史所言輒須採擇

子多寓言失之誣史多深文失之鑿而況文人學

士偶不及檢相沿蒙昧誣者愈誣鑿者且安其故

矣如吳門白馬之誕妄出於祖庭廣記而泰山之

上遂有越觀峯因越觀而周觀秦觀相因而起跖

為盜於東陵展禽之弟也禽食邑柳下在僖公二

欽定四庫全書

山東通志
凡例

十六年是時孔子未生焉得與展氏弟兄往來問

答尸子矯誣之談荒誕已極而章邱乃有柳將軍

墓登其傳於志舊志仍之此不當擇而去之乎至

於陽貨則事見魯論春秋其人其跡無可疑者然

而貨乃魯之盜也於盜而取之薰蕕同器矣乃一

坏之土與尼防並列可不鋤其非類乎凡此皆舊

志所擇焉而未精者也他如五大夫松之為爵級

無字碑之是漢而非秦先詰已有成言不敢剿為

已說也隨志辨明概難枚舉擇善而從詎敢自附
於知之次也哉

七曰隨俗而遷 麻冕而純儉則可從也獵較而祭

衆不可違也蓋無關綱紀之大則因革損益之宜

雖破觚為方亦時勢所不免志中今昔異名前後

異轍者指不勝屈然相沿成習猝難遽改則亦不

得不仍之以徇一時之耳目茲凡一名一物一邱

一壑之微不具論如小清河之為濟水故道自宋

欽定四庫全書

山東通志
凡例

熙寧以後乃行潔瀆而後有大小清河之名歷城

以東為小清河為古濟歷城以北為潔瀆為今之

大清河自濟行潔瀆之後大清河之流日盛小清之

流日微而日淤至明成化間有言小清發源於灤

水者矣因金劉豫曾築灤東行而遂謂此劉豫所

開也至今日則小清河又源於章邱之獺水矣因

獺水見在奔流橫溢而小清其首受也蓋就目前

之形勢而論之則觀者易曉聽者易受此古河而